

〔三代實錄清五和〕貞觀三年八月廿九日庚午，又患赤痢者衆，十歲已下男女兒，染苦此病，死者衆矣。

〔小右記〕長和五年六月八日庚辰，資平云：諸國旱損殊甚，忽有疫癘之愁，造宮之期可延，廻歟是攝政之

氣色也者，成算師云：右大臣顯光藤原日來被勞痢病，減平之間，從一昨日身熱惱苦云々，廿八日庚子，

大納言道綱藤原病惱更無減者，又呼季寧朝臣問案內爲赤痢病，去夜廿餘々度云々，古無力也者，日次

不宜，不能詣向之由相示之，卅日壬寅，大納言所惱無減者，呼季寧朝臣問案內云：無增減赤痢數々

若可被慎歟，明且可被移中弁定賴宅，今夕有欲相逢之氣者，壬寅者問病見病重忌之日也，仍猶豫耳，

萬壽二年八月八日丁巳，資高赤班瘡今日當七々日瘡氣漸消云々，心神無減，飲食不受，痢病發動，亦

爲云々，諸人相同，此病目胸鼻血及赤白等痢，相加云々，先年如此，九日戊午，四位侍從經任，日來煩

赤班瘡平愈，彼痢病重發云々，兩度問遣，今夕候宜者，宰相云：參法興院，上達部會合，彼是談之，禪閣

還住法成寺，可有思出事，猶不可居近邊，可隱居北山邊，長谷石藏普門寺間歟，廿一日庚午，宰相來

云：資房病腹無極，去夜痢廿餘度，臨昏宰相以兼成朝臣言送云：資房病腹不休，欲令服韭，今日坎日，明

日服藥不宜爲之如何，答云：昨熱氣散，今日服韭，若可乖乎，問兩三陰陽師，隨占可服多，是時疫之所致

也，暫慎過何如，廿三日壬申，宰相資房痢頗宜，痛腹無隙，令食韭何，答云：急爲時不可擇善惡日，就中

韭是非合貴藥，藥有何事乎，宰相云：資房今日服韭，似有驗，所勞頗減者，四年十一月廿一日丁巳，義

光云：禪室彌以無力，痢病無數，絕食已絕，入夜中將從禪門道長藤原來云：從時被危急，無力殊甚，痢病無

度，悉皆腫物發動，不受醫療，左右多危，可難待得行幸日之由，家子所談，

〔水左記〕承保四年八月九日丙戌，自去夜下痢如流水，辛苦無極，今日殊無力，惘然臥，依飽瘡去，天平九

年六月被下諸國官符云：及痢之時，煮韭葱可多食者，就此文欲服之處，雅忠朝臣誠云：雖見官符文，熱

氣間不服始者，熱散後有禁忌者，仍予熱間依不服始日來不服，而人々云：近日遇此妖有痢患之輩，雖

或熱間服始，或不服者，皆服韭葱，痢已平愈，誠相叶官符文，其驗顯然也，只可服者，今朝遂服之。